

L'ERA PRUGRESSISTA

“ Livatimi na curiosità, mastru Giovanni “,

“ Parati puru egreggiu prufissuri “,

“ Com'è chi sunnu passati sulu tri mmisi
e ora dicitu c'aviti n'annu i' cchiù? “

“ Viditi prufissuri, vegnu e vvu dicu :
cunsidderu a' me' nascita nta stu munnu
nò quannu me patri mi parturivu,
ma all'attimu pricisu chi cu' amuri
'nsemi a' me' patri mi cuncipiu “.

“Ma chi dicitu mai don Giuvanninu,
prima i' nasciri eravati nu fetu,
nu grumu i' sangu, nu brucu carnali!“.

“Ah no!, fetu, anzi fitusu, siti vui,
pirsuna sapienti di me' stivali .

Iò o' mumento du me' cuncipimentu
ebbi criata i' Ddiu l' anima 'mmurtali,
e chista è a cosa a cchiù purtintusa,
da me' pirsuna a' massima ricchezza “ .

“Siti gnuranti, arritratu, scurantista,
e no capiti ancora doppu tant ‘anni
chi viviti nta ll’era prugressista “.

“ ‘A sparativi nte cavigghi, dutturi sceccu,
vi facistuvi nfinucchiari du’ prugressu :
siti cchiù nniricatu du’ sciroccu,
peggiu du’ ‘nnimali, nu tristu e nu scioccu! “.

GIANNI MANGANO